

Bosna i Hercegovina



Tužilaštvo-Tužiteljstvo Bosne i Hercegovine
Тужилаштво Босне и Херцеговине

Број / Број БИХ
Кривично одређење / Кривично одређење /
Кривично одређење и изрицање казне
Одјел I / Одјел II / Одјел I и Одјел II
Одјељење за одређење казне / Одјељење за одређење казне

№ KEO/08/612 48


11 (Стр./Стр.)
1991

Босна и Херцеговина

Poseban odjel za ratne zločine
Broj: KT-RZ-80/08
Sarajevo, 10.02.2009. godine

SUD
BOSNE I HERCEGOVINE
- Sudiji za prethodno saslušanje -

Optužnica K.T-02-80/08
POTVRĐENA DANA _____
10.02.2009.



Na osnovu člana 35. stav 2. tačka i) i člana 226. st. 1. Zakona o krivičnom postupku BiH, p o d i ž e m

PRIMLJENO
dana 10.02.2009.
20. godine
SUD BIH SARAJEVO
Ovlašten radnik suda

OPTUŽNICU

PROTIV: JURINOVIĆ TOME, sin Petra i majke Jele, rođene Zebić, rođenog 30.03.1963.godine u mjestu Duratovci, opština Kotor Varoš, JMBG 3003963102747, nastanjen u Republici Hrvatskoj, Okučani, Benkovac br.15, državljanin BiH i Republike Hrvatske, po zanimanju radnik, pismen, završena osnovna škola, oženjen, vojsku služio u Đakovici, bez čina, bez odlikovanja, lošeg imovnog stanja, ne vodi se drugi krivični postupak, u pritvoru po rješenju Suda BiH broj: X-KRN-08/642 od 17.01.2009.godine, a traje do 16.02.2009.godine, do 12,20 sati;

Što je:

Tokom rata u Bosni i Hercegovini, u vrijeme oružanog sukoba, postupio protivno odredbama Međunarodnog humanitarnog prava, pri tome kršeći odredbe člana 3.Ženevske konvencije o zaštiti civilnih lica za vrijeme rata i člana 51.stav 1, 2 i 3 Dopunskog protokola I uz Ženevsku konvenciju o zaštiti civilnih lica za vrijeme rata od 12.08.1949.godine, tako što je:

Dana 31.07.1992.godine, zajedno sa Škrobić Markom i još trojicom naoružanih pripadnika HVO-a došao pred kuću [REDACTED] koja se nalazila u mjestu Novo Selo, opština Kotor Varoš, to iz kuće istjerao [REDACTED] njegovu suprugu [REDACTED] maloljetne kćerke [REDACTED] i [REDACTED] a potom iz druge kuće koja se nalazila u istom dvorištu izveo [REDACTED] oca [REDACTED] nakon čega ih je, zajedno sa drugim vojnicima poveo u pravcu sela Ravne, gdje je u obližnjoj šumi zajedno sa još jednim neidentifikovanim vojnikom, odvojio [REDACTED] rekavši mu tada „Znali smo se 15 godina, od danas se ne znamo“, prije čega mu je neidentifikovani vojnik prijetio da će ga osumnjičeni zaklati ako ne preda oružje, nakon čega mu je osumnjičeni naredio da se okrene i ispalo pucanj u vazduh, dok je u isto vrijeme nekoliko metara dalje, Škrobić Marko, vodeći ostale članove porodice, lišio života [REDACTED] pucnjem iz pištolja, nakon čega su osumnjičeni Jurinović Tomo, Škrobić Marko, i ostali neidentifikovani vojnici civile [REDACTED] i [REDACTED] povelili dalje u mjesto Ravne, opština Kotor Varoš, te [REDACTED] uveli u prostorije škole u Ravnama, gdje je osumnjičeni uperio pušku u [REDACTED] a drugi neidentifikovani vojnik ga istovremeno ispitivao, poslije čega su [REDACTED] protvpravno lišili slobode zatvorivši ih u prostorije privatne kuće u Ravnama, gdje je [REDACTED] bio ponovo podvrgnut ispitivanju

Dakle,

Kršeci pravila Međunarodnog humanitarnog prava za vrijeme oružanog sukoba na području opštine Kotor Varoš, napao civilne osobe, koji napad je posljedomao smrću jedne osobe, primjenjivao mjere zastrašivanja i protizakonito zatvarao civilne osobe

Čime je,

Učinio krivično djelo krivično djelo Ratni zločin protiv civilnog stanovništva iz člana 173.stav 1.tačka a) i e), u vezi sa članom 180. stav 1. Krivičnog zakona Bosne i Hercegovine;

Zbog toga:

P R E D L A Ž E M

Da se na glavnom pretresu izvedu sljedeći dokazi:

I Saslušanje svjedoka :

- 1.
- 2.
- 3.
- 4.
- 5.
- 6.



II Uvid u sljedeće dokaze:

1. Odluka predsjedništva o proglašenju ratnog stanja od 20.06.1992.godine.sl. list RBiH broj:7/92
2. Akt Policijske stanice Kotor Varoš broj 08-9/01-234-11/09 od 23.01.2009.godine, izvod iz kaznene evidencije za Jurinović Tomu
3. Uvjerenje o državljanstvu na ime Jurinović Tomo, broj: 204-28/09 od 29.01.2009.godine
4. Akt Federalnog ministarstva za pitanje boraca i invalida broj: 01/1-41-3/09 od 03.02.2009.godine sa priložima: 14 dopisa - odgovora svih sektora Ministarstva sa cirkularnim dopisom – traženjem;
5. Spisak "Četa "Zelenih beretki" – Kotor – Zagrađe – Kukavice, Duratovci i Bare" sa službenom zabilješkom Državne agencije za istrage i zaštitu broj 17-12/3-04-2-101-80/07 od 27.06.2008.godine;
6. Tanskript sa glavnog pretresa u predmetu X-KR-07/480 od 22.08.2008.godine;
7. Izvod iz matične knjige umrlih za lice [REDAKCIJA] broj 202-17 od 21.03.2000.godine;
8. Kopija kartona lične karte na ime Jurinović Tomo
9. Provjere izvoda iz baze CIPS za Jurinović Tomu

5. Spisak "Četa "Zelenih beretki" – Kotor – Zagrađe – Kukavice, Duratovci i Bare"

REZULTATI ISTRAGE

Tužilaštvo BiH je nakon provedene istrage protiv osumnjičenog Škrobić Marka, Jurinović Tome i drugih NN osumnjičenih, zbog izvršenja krivičnog djela Ratni zločin protiv civilnog stanovništva iz člana 173. KZ BiH našlo da postoji dovoljno dokaza da je osumnjičeni Škrobić Marko počinio krivično djelo za koje se tereti, te je protiv istog podignuta optužnica zbog krivičnog djela Ratni zločin protiv civilnog stanovništva iz člana 173. stav 1. tačka c) Krivičnog zakona Bosne i Hercegovine, u vezi sa članom 180. stav 1. istog zakona. S obzirom da je osumnjičeni Jurinović Tomo bio nedostupan pravosudnim organima Bosne i Hercegovine, Tužilaštvo BiH je zatražilo određivanje pritvora i raspisivanje međunarodne potjernice za osumnjičenim Jurinović Tomom, nakon čega je osumnjičeni lišen slobode i doveden Sudu BiH.

Da je u kritičnom periodu postojao oružani sukob na području BiH, nesporno proizilazi iz Odluke o proglašenju ratnog stanja Predsjedništva RBiH od 20. juna 1992. godine (Sl.RBiH br.7/92) kao i iskaza saslušanih svjedoka.

Da je osumnjičeni u inkriminirajućem periodu bio pripadnik HVO-a Kotor Varoš proizilazi iz iskaza svjedoka [REDACTED] kao i iz spiska "Četa "Zelenih beretki" - Kotor - Zagrađe - Kukavice, Duratovci i Bare" sa službenom zabilješkom Državne agencije za istrage i zaštitu broj 17-12/3-04-2-101-80/07 od 27.06.2008.godine, koji je nastao prikupljanjem operativnih podataka u VRS, od strane [REDACTED] penzionisanog službenika Sekretarijata za odnose sa Haškim tribunalom Vlade RS. Iz akta pribavljenog od strane Federalnog ministarstva za pitanje boraca i invalida domovinskog rata vidljivo je da osumnjičeni nije evidentiran kao vojni obveznik u službenim evidencijama ovog Ministarstva.

Tužilaštvo BiH podsjeća na odredbe člana 173. KZ BiH :

„Ko kršeći pravila međunarodnog prava za vrijeme rata, oružanog sukoba ili okupacije naredi ili učini koje od ovih djela:....“

Iz navedene odredbe jasno je da zakonska formulacija krivičnog djela ratni zločin protiv civilnog stanovništva čak i ne zahtijeva nužno pripadništvo vojnim formacijama jedne strane u sukobu. Nužno je da se radi o licu koje se stavilo u službu jedne strane u sukobu, te da u ime te strane, u toku oružanog sukoba, čini kršenja međunarodnog prava.

Osumnjičeni Jurinović međutim, prema izjavama svjedoka i materijalnim dokazima navedenom u optužnici pod br.5 i 6., pripadao je

formacijama HVO Kotor Varoš. Podaci Federalnog Ministarstva za pitanja boraca o nevođenju osumnjičenog u evidencijama vojnih obveznika ne dokazuju suprotno. Evidencija ovog Ministarstva dokazuje da osumnjičeni nije registrovan kao vojni obveznik, što nije dokaz i stvarnih činjenica o njegovom pripadništvu i učešću u proteklom ratu. Budući da Jurinović Tomo nema prijavljeno prebivalište niti boravište u Bosni i Hercegovini i da se trajno nastanio u Republici Hrvatskoj, nije imao potrebu za valorizacijom svog učešća u proteklom ratu, a prema sopstvenoj izjavi vodi se u evidenciji vojnih obveznika Republike Hrvatske, u Novoj Oradišci.

Osumnjičeni Jurinović Tomo svoju odbranu iznio je ćutanjem.

Svjedoci događaja i to: [REDAKCIJA]
[REDAKCIJA] u više navrata i to pred okružnim tužiocem Banja Luka, pred tužiocem i istražiteljem Tužilaštva BiH i na glavnom pretresu u postupku protiv Škrobić Marka jasno, nedvosmisleno i saglasno opisali su okolnosti pod kojima je ubijen [REDAKCIJA]

Blanketni propis

Član 3. Ženevske konvencije o zaštiti civilnih žrtava za vrijeme rata od 12. avgusta od 1949. godine propisuje da:

(1) Prema licima koja ne sudjeluju direktno u neprijateljstvima podrazumjevajući tu i pripadnike oružanih snaga koji su položili oružje i osobe onesposobljene za borbu usljed lišenja slobode ili iz bilo kojeg drugog razloga, postupaće se u svakoj prilici čovječno, bez ikakve nepovoljne diskriminacije zasnovane na rasi, boji kože, vjeri ili uvjerenju, spolu, rođenju ili imovnom stanju, ili bilo kojem drugom sličnom mjerilu.

U tom cilju, zabranjeni su i ubuduće se zabranjuju, u svako doba i na svakom mjestu prema gore navedenim osobama slijedeći postupci:

- a) povrede koje se nanose životu i tjelesnom integritetu, naročito sve vrste ubistava, osakaćenja, svireposti i mučenja;*
- c) povrede osobnog dostojanstva, naročito uvredljivi i ponižavajući postupci;*

Član 51. Dopunskog protokola I uz Ženevsku konvenciju o zaštiti civilnih lica za vrijeme rata od 12.08.1949. godine predviđa:

- (1) *Civilno stanovništvo i pojedini civili uživaju opštu zaštitu od opasnosti koje proističu iz vojnih operacija. Da bi se proveda ta zaštita, poštujuće se, u svakoj prilici, sljedeća dodatna pravila, pored drugih primjenjivih pravila međunarodnog prava.*
- (2) *Civilno stanovništvo kao takvo, kao i pojedini civili, neće biti predmet napada. Zabranjeni su akti ili prijetnje nasiljem kojima je glavni cilj da šira teror među civilnim stanovništvom.*
- (3) *Civili će uživati zaštitu koja je predviđena u ovom Odjeljku ukoliko ne uzimaju direktnog učešća u neprijateljstvima, odnosno za vrijeme dok ne uzimaju direktnog učešća u neprijateljstvima.*

Iz iskaza saslušanih svjedoka nedvojbeno proizilazi da osobe lišene slobode nisu bile aktivno uključene u neprijateljstva u relevantno vrijeme, nego su zarobljene kod svojih kuća kao civili u civilnoj odjeći i bez ikakvog naoružanja.

Takođe iz iskaza, naročito [REDAKCIJA] jasno su vidljive radnje izvršenja krivičnog djela za koje se ovom optužnicom osumnjičeni Jurinović tereti. Nedvosmisleno je da je kritičnog dana osumnjičeni učestvovao zajedno sa grupom vojnika, među kojima i Škrobić Markom u napadu na kuću porodice [REDAKCIJA] u selu Novo Selo, Kotor Varoš, istjerujući članove porodice [REDAKCIJA] iz kuće i odvođeći ih u nepoznato. Na putu prema selu Ravne Škrobić Marko lišio je života starca [REDAKCIJA] oca, zbog čega je protiv Škrobića kod ovog Suda u toku krivični postupak u kojem je Škrobić nepravosnažno oglašen krivim i osuđen na kaznu zatvora od 10 godina. Dakle, napad na porodicu [REDAKCIJA] u rano jutro 31.07.1992.godine, istjerivanje iz kuće i odvođenje, imalo je za posljedicu smrt jednog njenog člana, [REDAKCIJA]. Nadalje, istovremeno sa ovim ubistvom, osumnjičeni je zajedno sa drugim neidentifikovanim vojnikom zastrašivao [REDAKCIJA] pucajući mu iza okrenutih leđa u vazduh, dok je drugi vojnik prijetio da će ga Jurinović zaklati ako ne preda oružje. U tom trenutku, Jurinović potvrđuje svoje aktivno učešće i svoj umišljaj u radnjama koje preduzima rečenicom: „Znali smo se 15 godina, od danas se ne znamo“.

Osumnjičeni Jurinović zatim je učestvovao u zastrašivanju i protivzakonitom zatvaranju [REDAKCIJA] u školi u Ravnama, držeći uperenu pušku u [REDAKCIJA] dok ga je drugi vojnik ispitivao, nakon čega je ponovo ista grupa vojnika nastavila sprovođenje porodice [REDAKCIJA] u središte sela Ravne, u privatnu kuću u kojoj je bila smještena komanda HVO Kotor Varoš, čime je osumnjičeni učestvovao i u protivzakonitom zatvaranju članova porodice [REDAKCIJA].

Svjedok [REDAKTIRANO] od ranije je poznao Jurinović Tomu, i istoga odmah prepoznao u grupi vojnika koji su kritičnog dana učestvovali u napadu i odvođenju porodice [REDAKTIRANO] od njihove kuće.

Iz svih objektivnih dokaza kao i iskaza saslušanih svjedoka navedenih u ovoj optužnici proizilazi osnovana sumnja da je Jurinović Tomo počinio krivično djelo Ratni zločin protiv civilnog stanovništva iz člana 173. stav 1. tačka a) i e), a u vezi sa članom 180. stav 1. istog zakona, u vrijeme, mjestu i na način opisan u dispozitivu ove optužnice. Osumnjičeni je prilikom izvršenja ovog djela postupao umišljajno, jer je bio svjestan svog djela i htio njegovo izvršenje.

S obzirom na sve navedeno, nepobitno je da se u radnjama osumnjičenog stiču sva bitna obilježja krivičnog djela ratni zločin protiv civilnog stanovništva, za koje krivično djelo se protiv njega i podiže ova optužnica, zbog toga predlažemo da Sudija za prethodno saslušanje ovu optužnicu u cijelosti potvrdi.

Materijal koji potkrepljuje navode optužnice

1. Zapisnik o ispitivanju osumnjičenog Tome Jurinovića broj:KT-RZ-80/08 od 21.01.2009.godine
2. Zapisnik o saslušanju svjedoka [REDAKTIRANO] broj: KT-RZ-165/07 od 18.06.2007.godine i broj KT-RZ-80/08 od 09.02.2009.godine
3. Zapisnik o saslušanju svjedoka [REDAKTIRANO] broj:KT-RZ-165/07 od 18.06.2007.godine i broj KT-RZ-80/08 od 09.02.2009.godine
4. Zapisnik o saslušanju svjedoka [REDAKTIRANO] broj:KT-RZ-165/07 od 14.06.2007.godine
5. Zapisnik o saslušanju svjedoka [REDAKTIRANO] broj:KT-RZ-165/07 od 14.06.2007.godine i broj KT-RZ-80/08 od 09.02.2009.godine
6. Zapisnik o saslušanju svjedoka [REDAKTIRANO] broj:KT-RZ-165/07 od 06.11.2007.godine
7. Odluka predsjedništva o proglašenju ratnog stanja od 20.06.1992.godine, sl. list RBiH broj: 7/92
8. Akt Policijske stanice Kotor Varoš broj 08-9/01-234-11/09 od 23.01.2009.godine, izvod iz kaznene evidencije za Jurinović Tomu
9. Uvjerenje o državljanstvu na ime Jurinović Tomo, broj: 204-28/09 od 29.01.2009.godine

10. Akt Federalnog ministarstva za pitanje boraca i invalida broj: 01/I-41-3/09 od 03.02.2009.godine sa priložima: 14 dopisa - odgovora svih sektora Ministarstva sa cirkularnim dopisom – traženjem;
11. Spisak "Četa "Zelenih beretki" – Kotor – Zagrađe – Kukavice, Duratovci i Bare" sa službenom zabilježkom Državne agencije za istrage i zaštitu broj 17-12/3-04-2-101-80/07 od 27.06.2008.godine;
12. Tanskript sa glavnog pretresa u predmetu X-KR-07/480 od 22.08.2008.godine, i audio zapis sa istog ročišta;
13. Izvod iz matične knjige umrlih za lice [REDAKCIJA] broj: 202-17 od 21.03.2000.godine;
14. Kopija kartona lične karte na ime Jurinović Tomo
15. Provjere izvoda iz baze CIPS za Jurinović Tomu

PRIJEDLOG ZA PRODUŽENJE PRITVORA NAKON POTVRĐIVANJA OPTUŽNICE

U skladu sa članom 227. stav 1. ZKP-a BiH, a u vezi sa članom 137. ZKP-a BiH Tužilaštvo BiH stavlja prijedlog da sudija za prethodno saslušanje, nakon što potvrdi postojanje osnovane sumnje da je osumnjičeni počinio krivično djelo koje mu se stavlja na teret i potvrdi optužnicu, pritvor prema osumnjičenom Jurinović Tomi produži do završetka glavnog pretresa, iz razloga navedenih u članu 132. stav 1. tačka a) ZKP-a BiH.

Tužilaštvo BiH smatra da postoji pored osnovane sumnje koja je utvrđena u ranijim rješenjima o određivanju pritvora Suda BiH, kao i navodima i dokazima predloženim uz ovu optužnicu, i pritvorski razlog predviđen članom 132. stav 1. tačke a) ZKP-a BiH.

Kada je u pitanju pritvorski razlog predviđen odredbom člana 132. stav 1. tačka a) ZKP-a BiH Tužilaštvo BiH napominje da postoje sasvim realne okolnosti koje ukazuju na opasnost od bjekstva osumnjičenog ukoliko bi isti bio pušten na slobodu.

Tužilaštvo BiH smatra da postoji dovoljno osnova koji potkrijepljuju navode da se osumnjičeni krije na teritoriji Republike Hrvatske, kako bi

izbjegao krivično gonjenje, obzirom na naprijed navedene činjenice o pokušajima da se locira osumnjičeni, te potrebu da se odredi pritvor u njegovom odsustvu i raspiše potjernica, upravo u cilju dovođenja osumnjičenog pred pravosudne organe BiH.

Takođe, Tužilaštvo BiH ponovo ističe, kao što je to već izneseno povodom rasprave o određivanju i produženju pritvora osumnjičenom nakon dovođenja pred Sud BiH, činjenicu da je na glavnom pretresu od 20.06.2008.godine branilac osumnjičenog Škrobić Marka, advokat Praljak Branka obavijestila Sud BiH da je odbrana kontaktirala svjedoka Jurinović Tomu koji je stalno nastanjen u Hrvatskoj, te nije uspjela dogovoriti njegovo prisustvo kod ovog suda, jer je Jurinović odbio dolazak iz straha od pritvaranja s obzirom da je sudjelovao u ovom događaju.

Nakon potvrđivanja optužnice i dostavljanja iste sa cjelokupnim dokazima optuženom, isti će postati svjestan težine krivično pravne radnje koja mu se stavlja na teret i dokaza protiv njega, te će se kod optuženog stvoriti jak motiv da se da u bjekstvo i izbjegne krivično gonjenje i krivičnu odgovornost. Kada se naprijed navedenom doda i činjenica da osumnjičeni Jurinović Tomo pored državljanstva BiH posjeduje i državljanstvo Republike Hrvatske, jasno se može zaključiti da sve ove činjenice predstavljaju vrlo izražene okolnosti koje ukazuju na opasnost od bjekstva osumnjičenog, ukoliko mu mjera pritvora ne bi bila produžena iz razloga predviđenih članom 132. stav 1. tačka a) ZKP-a BiH.

Pored naprijed navedenog Tužilaštvo BiH napominje da susjedne zemlje pa i Republika Hrvatska vrlo teško izručuju svoje državljane, a posebno lica osumnjičena za ratne zločine. U prilog tome govore i odredbe Evropske konvencije o ekstradiciji koje dozvoljavaju stranama ugovornicama, među kojima i Republika Hrvatska da uskrate izručenje svojih državljana, a Republika Hrvatska je i iskoristila rezervu u tom pogledu.

Uzimajući u obzir činjenicu da osumnjičeni nije evidentiran u bazi projekta CIPS-a, te da nakon okončanja oružanih sukoba nema prijavljeno mjesto prebivališta u BiH, iako je državljanin Bosne i Hercegovine, bez obzira na pravo osumnjičenog na slobodan izbor mjesta boravka sve naprijed navedene činjenice jasno ukazuju na namjeru osumnjičenog da se krije van granica BiH, čime je ispunjeni razlog za određivanje pritvora osumnjičenom predviđen članom 132. stav 1. tačka a) ZKP BiH.

S obzirom na naprijed navedeno Tužilaštvo BiH predlaže da sudija za prethodno saslušanje Suda BiH, nakon što potvrdi optužnicu Tužilaštva BiH i utvrdi postojanje osnovane sumnje, donese rješenje kojim se osumnjičenom Jurinović Tomi produžava mjera pritvora iz razloga predviđenih članom 132. stav 1. tačka a) ZKP-a BiH.

PRIJEDLOG
DA SE NA OSNOVU ČLANA 27. ZKP BIH PRENESE VOĐENJE
POSTUPKA MJESNO NADLEŽNOM SUDU

U skladu sa članom 27. ZKP BiH Tužilaštvo BiH podnosi prijedlog za prenošenje vođenja ovog postupka na mjesno nadležni sud, iz sljedećih razloga:

Polazeći od zahtjeva za ispunjenjem tri kumulativna uslova, Tužilaštvo BiH napominje da se i u ovom postupku ne radi o krivičnom djelu protiv integriteta BiH, te glavni pretres još nije zakazan, a po ocjeni ovog tužilaštva postoje i važni razlozi za prenošenje vođenja postupka na drugi, mjesno nadležan sud.


Važni razlozi koji stoje na strani ovakve ocjene su prije svega težina predmeta, s obzirom da se radi o krivičnom djelu ratnog zločina protiv civilnog stanovništva izvršenom kroz radnje napada civilnih osoba, koji napad je posljedovao smrću, primjenjivanje mjere zastrašivanja i protivzakonito zatvaranje civilnih osoba, pri čemu je smrtno stradalo jedno lice, zbog čega je optužen i nepravosnažno osuđen Škrobić Marko. Tužilaštvo BiH stoji na stanovištu da u ovom postupku nije riječ o kompleksnom i vrlo osjetljivom predmetu, a s obzirom na važeće interne kriterije procesuiranja krivičnih djela ratnog zločina u Tužilaštvu BiH, jer se radi o jednom događaju, a radnja za koju se sumnjičeni tereti nema takve posljedice kod izvršenja djela kao što su kod većine predmeta koji se procesuiraju pred Sudom BiH. Prenos ovog predmeta bi također omogućio da se ostali, naročito kompleksni predmeti u smislu i činjenične i pravne kompleksnosti neometano i kvalitetno vode pred Sudom BiH, što bi moglo biti umanjeno ukoliko bi se većina predmeta manje složene činjenično-pravne prirode vodila pred ovim sudom. Napominjemo takođe da osumnjičeni Jurinović nije zauzimao nikakav komandni niti rukovodni položaj u HVO tokom inkriminisanog perioda, te se njegova odgovornost ograničava na direktno i neposredno učestvovanje u izvršenju krivičnog djela na način opisan dispozitivom optužnice.

Po mišljenju Tužilaštva BiH neophodno je da Sud BiH održi vanjski izraz poštivanja najviših standarda profesionalnosti kao i povjerenja javnosti u pravosudne institucije BiH što će na najbolji način biti ostvareno upravo ako Sud BiH provodi postupak u najsloženijim činjenično-pravnim predmetima ratnih zločina.

Takođe u ovom postupku nema saslušanih svjedoka koji su tražili zaštitu, radi čega bi eventualno mogla postojati sumnja u kvalitetno ostvarivanje te zaštite pred drugim sudom.

Pored toga, iako je to već više puta od strane Tužilaštva BiH kroz slične prijedloge u skladu sa članom 27. ZKP BiH u drugim predmetima isticano, ponavljamo činjenicu da tužioci Posebnog odjela za ratne zločine Tužilaštva BiH rade intenzivno na okončanju velikog broja istraga ratnih zločina, pa Sud u kontinuitetu može očekivati podizanje novih optužnica što bi dovelo i do velikog opterećenja Suda.

Mišljenja smo da niži sudovi nisu opterećeni tolikim brojem predmeta ratnih zločina, kao što je to slučaj na Sudu BiH, te stoga smatramo da bi i mjesno nadležni sud u konkretnom predmetu mogao provesti kvalitetan i efikasan krivični postupak.



... ..

... ..